

Sarajevo, 16 -02- 2018

Broj:

0203-9072

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 0305-7540 od 08.02.2018.godine, Generalna direktorica donosi:

ODLUKU

o izboru najpovoljnijeg ponuđača

za nabavku radova " Izvođenje limarskih i krovopokrivačkih radova na više lokaliteta u KCUS-u "

I

Prihvaća se prijedlog Komisije za javnu nabavku, Izvještaj br. 03057540 od 08.02.2018. godine i okvirni sporazum za Izvođenje limarskih i krovopokrivačkih radova na više lokaliteta u KCUS-u, nakon provedenog otvorenog postupka, dodjeljuje ponuđaču GALBOLS d.o.o Sarajevo, na osnovu ponuđenih jediničnih cijena, koje čine sastavni dio Odluke do ukupne vrijednosti okvirnog sporazuma u iznosu od 50.000,00 KM, bez uračunatog PDV-a i sa uslovima plaćanja: odgođeno plaćanje 60 dana od dana ispostavljanja fakture. Garancija na izvedene radove i materijal je 5 (pet) godina, računajući od dana tehničkog prijema.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza traženih tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

Na osnovu Odluke o pokretanju postupka javne nabavke br.0203-61649 od 29.12.2017.godine, sa procijenjenom vrijednošću u iznosu od 50.000,00 KM bez PDV-a, Klinički centar Univerziteta u Sarajevu je objavio Obavještenje o nabavci broj:893-1-3-747-3-428/17 od 29.12.2017.godine na portalu e-Nabavke zajedno sa Tenderskom dokumentacijom za nabavku za Izvođenje limarskih i krovopokrivačkih radova na više lokaliteta u KCUS-u a putem otvorenog postupka .

Tendersku dokumentaciju preuzelo je 7 ponuđača, a do krajnjeg roka određenog za prijem ponuda, 29.01.2018. godine, dostavljene su 2 (dvije) ponude:

Kendži.d.o.o Sarajevo
Galbols d.o.o Sarajevo

Komisija imenovana Odlukom broj: 0203-4001 od 23.01.2018.godine, pristupila je provjeri dokumentacije dostavljene uz ponudu i konstatovala da su dostavljene ponude formalno-pravno i tehnički ispravne i uzete se u dalje razmatranje.

[Handwritten signature]

Budući da je kriterij vrednovanja najniža cijena tehnički zadovoljavajuće ponude Izveštajem br. 0305-7540 od 08.02.2018.godine, Komisija je jednoglasno dala prijedlog Ugovornom organu, da se za nabavku " Izvođenje limarskih i krovopokrivačkih radova na više lokaliteta u KCUS ", donese odluka o izboru ponuđača i okvirni sporazum na period od 24 mjeseca dodijeli ponuđaču "GALBOLS" d.o.o Sarajevo na osnovu dostavljene ponude i jediničnih cijena do ukupne vrijednosti 50.000,00 KM bez PDV-a. Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr.Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS